

676



QUERK

GATHEL-GOLLET.

*An drā-ma zo erruet er guær a Itaru,
en Indes-sav-eol, er bla 1560.*

PED den, sioüas, a so dalc'het
Dre al laçou an drouc-speret !
Ped den a guev daonat̄ion
Oc'h ober goal govession !

Cetu un exempl trist meurbet
Zo bet en Indes c'hoarvezet :
Tud coz, tud yaouanq, clēvit-hâ,
Qemerit patron diountâ.

Ur plac'h yaouanq, hanvet Cathel,
Mates e ty un demesel,
Evit beva diouç'h he roll,
A guittas Doue en oll d'an oll.

N'e d'oa qet pemzec vloas fournis
Pa gommanças he yaouanqis,

non signalé dans Olivier

— 2 —

He yaouanqis a roas d'ar bed,
D'ar gloar, d'an danç, d'an drouc-speret.

Bep Sul ha bep Gouel ordinal
Ne c'houlenne nemet bragal :
Goude'n ofern betec an nos,
An danç a voa he Barados.

En ilis hed an ofiç divin
Ne rê nemet prezeg, c'hoarzin,
Ha trei he fenn scàn da sellet
A bep tu ouc'h ar galantet.

Biscoas ne glêvas a galon
Nac an ofern, nac ar sarmon :
El lec'h clêvet ar gousperou,
E zê atao d'an ebatou.

Mont a ra c'hoas d'an nosveziou,
Da scol cruel an diaoulou,
En despit d'escop, d'e mestres,
O lamet evel un heizes.

Eno e tisqas mil bec'het,
Ancounec'hât Doue, plijout d'ar bed;
Eno e tisqas comzou lic,
Sonjou ha desirou lubric.

— 3 —

Scuis voe Doue ouc'h he guelet
 Souillet gant qelies a bec'het;
 O caout un donjer bras outi,
 Ne allas mui e anduri.

Sqeï a eure gant ur c'hlènvet
 An danyad, pell voe dianqet :
 Ma carje côves ha distrei,
 C'hoant en devoa pardoni dei.

He mestrez, mat ha damantus,
 Pa velas he stat perillus,
 A lavaras dezi : Cathel,
 Va merc'h, ho clènyed zo cruel.

Considerit gant dilijanç,
 Qement zo var ho consciانç;
 Nettait ervat hoc'h ene,
 Evit mont hardi dirac Doue.

Qemennet voe ur Religius,
 Un den humbl ha trugarezus;
 Ar plac'h a gôvessas ountâ
 Abars mont demeus ar bed-mâ.

En nos goude ma côvessas
 E velas ur sclêrijen yrás,

— 4 —

Ha qerqent un demesel venn,
A gomzas louti evel-hen.

Clêvit ha clêvit c'hoas, Cathel,
Eet ê ho puez, ret eo mervel;
Me a zo Mari-Madalen,
Avocades har bee'herien.

Côvessit c'hoas hep faut ebet,
Rac ur pec'het oc'h eus nac'het;
Tolit an ampoeson cuset,
P'otramant e viot collet.

Clasqet voc an tad adare,
Da gôves ar plac'h a neve;
Hoguen he zêod a voa staguet
Gant ar vez hac an drouc-speret.

Goude ze just, d'an anter-nos,
Pa ne alle Cathel repos,
E tistro Mari-Madalen,
Hac a gomz louti evel-hen.

Catel, petra oc'h eus-hu grët?
Eur pec'het vil oc'h eus cuzet;
Cuzet oc'h un ampoeson,
A vo caus d'ho taonation.

— 5 —

Antronos, pa darzas an de,
E retornas an den Doue;
An den Doue a zigassas
An nouen dezi hac ar groas.

An tad, pa antreas en ty,
A lavaras a grenn dezi :
Mar zeus netra var ho conscianc,
Livirit-e gant repantanc.

Livirit frânc, hep nac'h netra,
Deut ê an termen diveza;
Laqit eves, va c'hoar Cathel,
Abars un heur eo ret mervel.

E qeit ma voe eno an tad,
Prest, ma carje, d'he c'hôvessât,
Cetu c'hoas Mari-Madalen,
O prezeg outi evel-hen.

Cathel, siouas, c'houi oc'h eusegrêt,
Eur pec'het vil ha milliget,
Côvessait-e gant qeus parfet,
Ha me bromet e viot salvet.

En amzer-ze, a gostes cleiz,
E tilamas ul loen direiz,

— 6 —

E faç e guis d'un den teval,
E dreid evel d'un aneval.

En e zorn en doa ur c'hleze,
Pe gant hini he gourdrouze :
Mar c'vesses, me as lazo,
Mar tevez, me as crai salo.

O tromplerez an drouc-speret!
Ar plac'h a varv en he fec'het!
Qerqent e za dirac Jesus,
Gant he bec'h ponner ha mezus.

An nos goude m'oe anterret,
En ty ma rentas he speret,
O tra estranch! a hed an nos
Ne allas tam nicun repos.

Qement scabel a voa en ty,
Qement tra oll a voa enni,
A voe tollët ha distolet,
Gant un tourni horrubl meurbet.

Pa zavas, antronos beure,
An eil vates er maner-ze,
Ebars er jardin e velas
Ur spèç cruel gant eston vrás.

ar jaſemou à 20 e fin d'avr

— 7 —

E creiz un tan bras ha griziez,
E velas hanat ur plac'h qèz,
He bizach leun a zerpantet,
Hac e daoulagad a zourdet.

Petra bennâc ma stravillas,
Na mui na mes e lavaras :
Me as conjur abers Doue,
Lavar dîn-me petra out-te.

Heben qen drist a respondas,
O ouela gant nec'hamant vrás :
Cathel oun, ho camaradez,
Condaonet d'ar flamou griziez.

Cetu va dorn, qiriec d'am c'heuz,
Cetu va zeot, qiriec d'am c'heuz
Va dorn en deus grêt ar pec'het,
Va zeot en deus-e bet nac'het.

Gant Mari-Madalen oun bet
Daouzec guech sur avertisset,
D'ober ur güir gôvession,
Hac em bigé hep faut pardon.

Ur morian du, griz, lostec,
Horrubl gant e dreit crabaneç,

— 8 —

En eur c'hourdous terri va fenn,
En deus serret va guinou crenn.

Mallos d'ar goal gompagninez,
D'ar sorcerien, da bep nosvez;
Mallos d'ar bal ha d'an dançou,
Zo bet qiriec d'am pec'hejou.

Na bedit christen evidòn,
E creiz an ifern coezet òn;
Sachet òn sioüas, gant Satan :
Evit va: lesqi en e dan.

Clêvit, christen, ha clêvit pis :
Bep pec'het còvessit hardis;
Mar sentiuoch àn dronc-speret,
Eguis Cathiel enviot collet.

FIN.